

«Էդիթ Պրինտ» հրատարակչություն

# *Ավարտական հետազոտական աշխատանք*

**Թեմա՝** Ուսումնական փաթեթի ստեղծում կրթության առանձնահատուկ կարիք ունեցող սովորողների համար

**Առարկա՝** Հայոց լեզու և գրականություն

**Ուսուցիչ՝** Սյունե Ուլիխանյան

**Դպրոց՝** Երևանի Ա. Բսահակյանի անվ. հ.16 ավագ դպրոց

**Ղեկավար՝** Թամարա Թովմասյան

## Բովանդակություն

1. Ներածություն	3
2. Կոլեկտիվ ուսուցման եղանակը՝ որպես ներառական կրթության կարևոր բաղադրիչ	4
3. Փոխվարժանքի մեթոդիկայի նկարագրությունը	5
4. Բառագիտություն թեմայից մշակված քարտային աշխատանքներ	6-21
5. Եզրակացություն	22
6. Օգտագործված գրականության ցանկ	23

## Ներածություն

ՀՀ Հանրակրթության մասին օրենքում ԿԱՊԿ ունեցող երեխաների սահմանումը տրվել է հետևյալ կերպ. «Կրթության առանձնահատուկ պայմանների կարիք ունեցող անձ՝ խոսքի և լեզվի , հաղորդակցման, լսողության, տեսողության, մտավոր, հուզական , վարքի, շարժունակության և այլ խնդիրներով պայմանավորված՝ ուսուցման հետ կապված դժվարություններ ունեցող ,ինչպես նաև բացառիկ ընդունակություններ ունեցող անձ, որին հանրակրթական հիմնական ծրագրերը յուրացնելու համար անհրաժեշտ են կրթության առանձնահատուկ պայմաններ , ներառյալ՝ խելամիտ հարմարեցումներ /ՀՕ-35-ն, Հոդված 1.4/:

Մտավոր զարգացման խնդիրներ ունեցող սովորողների և նրանց՝ դպրոցում առավելագույն ներառման մասին խոսելիս անհրաժեշտ է առաջին հերթին տիրապետել այն առանձնահատկություններին , որոնք առավելապես դրսևորվում են այս խնդրի դեպքում : Մտավոր զարգացման խնդիրը միշտ նույն արտահայտությամբ հանդես չի գալիս , այն կարող է լինել թեթևից մինչև խորը աստիճանի , որոնցից յուրաքանչյուրը ունի իր առանձնահատկությունները և հիմնականում այդ առանձնահատկությունների տիրապետումից է կախված հաջողությունը , որին ձգտում է հասնել ուսուցիչն իր աշխատանքում : Սա նշանակում է , թե ինչ կարող է անել սովորողը ,և ինչն է անհաղթահարելի իր համար:

Հարկ է հաշվի առնել այն հանգամանքը ,որ մտավոր զարգացման խնդիրներ ունեցող սովորողները շատ հաճախ ունենում են .

- 1.Սահմանափակ ծավալի հիշողություն
2. Կամային ուշադրության դժվարություններ
3. Ընկալման առանձնահատկություններ

4. Մտածողության գործընթացն ավելի դանդաղ է

5. Առկա են հաղորդակցման դժվարություններ

Վերը նշված հանգամանքները հաշվի առնելով՝ փորձեցի ուսուցման կոլեկտիվ եղանակով մշակել «Բառագիտություն» թեման՝ հարմարացնելով ԿԱՊԿՈՒ սովորողների կրթական պահանջմունքներին:

### **Կոլեկտիվ ուսուցման եղանակը՝ որպես ներառական կրթության կարևոր բաղադրիչ**

Արդի մանկավարժությունը հանրությանը առաջարկում է բազմաթիվ կրթական գաղափարներ և ձեռքբերումներ: Ելնելով այս դրույթից՝ կարծում եմ ,որ յուրաքանչյուր ուսուցանող, հենվելով սեփական փորձի վրա, ինքը պիտի որոշի , թե իրեն ինչ մանակավարժական տեխնոլոգիաներ են անհրաժեշտ որակյալ և ճիշտ ուսուցում կազմակերպելու համար:

Ավելի քան տասը տարի է , ինչ Հայաստանի կրթության ոլորտում կիրառվում է ուսուցման կազմակերպման կոլեկտիվ եղանակը: Կրթության այս եղանակը հնարավորություն է տալիս հենվել սովորողների համագործակցության վրա և կազմակերպել արդյունավետ ուսումնական պարապմունքներ: Ուսուցման կոլեկտիվ եղանակն իրականացվում է աստիճանաբար, փուլերով , ինչն էլ ենթադրում է կրթական գործընթացի շարունակականություն:

Կոլեկտիվ ուսումնական պարապմունքները թելադրում են իենց մեթոդիկաները: Ելնելով այս ամենից՝ հայոց լեզու առարկայի բառագիտություն թեմայի վերաբերյալ փորձեցի կազմակերպել ուսուցում փոխվարժանքի մեթոդիկայով:

Կարծում եմ՝ այս մեթոդով աշխատանքը զգալիորեն կոյուրացնի ԿԱՊԿՈՒ սովորողների ուսուցման և իմացական ոլորտը : Հարկ է նշել նաև այն հանգամանքը , որ այս տիպի աշխատանքներում կրթության գործընթացին մասնակցում են ոչ միայն ԿԱՊԿՈՒ սովորողները , այլև մյուս աշակերտները : Այս պարագայում ԿԱՊԿՈՒ սովորողը ուսուցման գործընթացում իր դասընկերոջ հետ գտնվում է լիարժեք հավասարության պայմաններում , ինչն էլ շատ կարևոր է այսօրվա ներառական կրթության տեսլականում:

### **Փոխվարժանքի մեթոդիկայի նկարագրությունը**

Փոխվարժանքի մեթոդիկան նախատեսված է անցած նյութի կրկնության ,  
ամրապնդման համար: Այս մեթոդիկայով աշխատելու համար անհրաժեշտ է  
պատրաստել հատուկ քարտեր , յուրաքանչյուրի վրա մի քանի հարցեր իրենց  
պատասխաններով: Քարտերը համարակալվում են : Ծրագրի որոշակի  
հատվածի նախնական յուրացումն ավարտած սովորողներից կազմվում է  
համահավաք խումբ փոխվարժանքի համար: Յուրաքանչյուրն ստանում է խմբի  
մյուս անդամների քարտերից տարբերվող քարտ: Սկզբում աշակերտը  
ծանոթանում է իր քարտի բովանդակությանը:

Հետո աշակերտները բաժանվում են զույգերի և աշխատում միմյանց հետ:

Ենթադրենք աշակերտներից մեկին տրվել է /Բ.Ռ.Գ1/քարտը , իսկ մյուսին  
/Բ.Ռ.Գ2/-ը: Առաջին աշակերտը երկրորդին հարցնում է իր քարտի առաջին  
հարցի պատասխանը: Երկրորդ աշակերտը պատասխանում է հարցին, իսկ  
առաջինը ստուգում է : Եթե պատասխանը սխալ է , ապա առաջին աշակերտը  
կարդում է ճիշտ պատասխանը, որից հետո ներկայացվում է երկրորդ , երրորդ  
և մյուս հարցերը:

Երբ առաջին աշակերտը ավարտում է իր քարտի բոլոր հարցերը,  
զուգընկերները փոխում են իրենց դերերը: Այժմ երկրորդ աշակերտն է  
ներկայացնում իր քարտի հարցերը, իսկ առաջին աշակերտը պատասխանում է  
այդ հարցերին: Աշխատանքի ավարտից հետո նրանք բաժանվում են , սակայն  
քարտերը միմյանց հետ չեն փոխանակում: Փոխվարժանքի մեթոդիկան չի  
ենթադրում ոչ հատուկ մեկնարկի գործընթաց , ոչ ուսուցչի մշտական  
ներկայություն: Դա ուսուցչին հնարավորություն է տալիս լինելու այն  
համահավաք խմբերում , որտեղ ուսուցչի ներկայության կարիք կա:<sup>1</sup>

<sup>1</sup> Մանուկ Մկրտչյան Ուսուցման կոլեկտիվ եղանակի իրականացման մեթոդաբանական տեսական և  
գործնական հարցերը/ էջ 115, 118/

Ստորև ներկայացնում եմ բառագիտություն թեմայից փոխվարժանքի մեթոդիկայով կատարած աշխատանքս:

## ***Բառագիտություն***

Բ.Ռ.Գ 1.

**1. Որո՞նք են լեզվաբանության բաժինները:**

*Պատ. - Այդ բաժիններն են հնչյունաբանությունը, բառագիտությունը և քերականությունը: Քերականությունն էլ իր հերթին բաժանվում է 2 ենթաբաժնի՝ ձևաբանություն և շարահյուսություն:*

**2. Ո՞րն է բառագիտության ուսումնասիրության հիմնական միավորը:**

*Պատ.- Բառագիտության ուսումնասիրության հիմնական միավորը բառն է:*

**3. Ի՞նչ է ուսումնասիրվում բառագիտության մեջ:**

*Պատ.- Բառագիտությունը լեզվանաբանության այն բաժինն է, որում ուսումնասիրվում են բառերի ծագումը, ձևը, իմաստը, կառուցվածքը ինչպես նաև բառարաններն ու նրանց տեսակները:*

Բ.Ռ.Գ 2.

**1. Ի՞նչ է բառապաշարը:**

*Պատ.- Ամեն մի լեզու ունի իր բառերի ամբողջությունը, որն էլ կոչվում է բառապաշար:*

**2. Ի՞նչ է արտացոլում բառապաշարը**

*Պատ.- Ամեն մի լեզվի բառապաշարն արտացոլում է այդ լեզվով խոսող ժողովրդի կենցաղը, մշակույթը, սովորույթները, աշխարհագրական պայմանները:*

**3. Ի՞նչ ճանապարհով է հարստանում բառապաշարը:**

*Պատ.- Հրաստացումը կատարվում է 2 միջոցով. Լեզվում եղած արմատներով ու ածանցներով նոր բառեր են կազմվում, կամ այլ լեզուներից բառեր են փոխառվում: Այսպիսով բառապաշարի հարստացման միջոցներն են բառակազմությունը և փոխառությունը:*

**4. Քանի՞ բառ ունի ժամանակակից հայերենի բառապաշարը:**

*Պատ.- Շուրջ 250000 բառ:*

**Բ.Ռ.Գ 3.**

**1.Ի՞նչ է փոխառությունը:**

*Պատ.- Փոխառությունները մի լեզվից մի այլ լեզվի անցած բառերն ու քերականական իրողություններն են:*

**2. Ինչպիսի՞ն են լինում փոխառությունները:**

*Պատ.- Լինում են անմիջական և միջնորդված: Անմիջական են տվյալ բառի սկզբնաղբյուր լեզվից ուղղակիորեն վերցրած բառերը : Միջնորդված են այն փոխառությունները, որոնք կատարվում են ոչ թե տվյալ բառի սկզբնաղբյուր լեզվից, այլ մի ուրիշ՝ միջնորդ լեզվից:*

**3. Հայերենում քանի՞ փոխառյալ արմատ կա ըստ Հ. Աճառյանի հաշվումների:**

*Պատ.- Ըստ Հ. Աճառյանի հաշվումների հայերենի շուրջ 11000 արմատից փոխառյալ է 4015-ը:*

**4. Ո՞ր լեզուներից է հայերենը հիմնականում բառեր փոխառել:**

*Պատ.- պարսկերենից ,/թուրք, արմավ, դար, գումարտակ/ հունարենից,/ակադեմիա, եպիսկոպոս, կիթառ, պոետ/, արաբերենից/ նարինջ, թուրինջ, գազար/, ռուսերենից և եվրոպական լեզուներից:*

*Որպես փոխատու լեզու՝ հայերենից հնչյունական զգալի փոփոխություններով այլ լեզուների են անցել մաժուն, լավաշ, խաչքար, մատենադարան բառերը:*

Բ.Ռ.Գ 4.

**1. Ի՞նչ է բառապատճենումը:**

*Պատ.- Բառապատճենումը լեզվական այն իրողությունն է, երբ օտար լեզվի որևէ բարդ բառի առանձին բաղադրիչներ նույնությամբ, բառացի թարգմանվում են, նրանց միավորումով ստեղծվում են նոր բառեր:*

**2. Ի՞նչ է իմաստային պատճենումը:**

*Պատ.- Պատճենումները լինում են նաև իմաստային, երբ փոխառվում է օտար բառի իմաստը: Օր.՝ հայերեն ոչինչ բառը ռուսերենի **НУЧЕЗО**-ի ազդեցությամբ:*

Բ.Ռ.Գ 5.

**1. Ի՞նչ սկզբունքներով են դասակարգվում բառերը:**

*Պատ.- Բառերը դասակարգվում են ըստ ծագման, ըստ կազմության, իսկ ըստ ձևի և իմաստի փոխհարաբերության առանձնանում են հոմանիշ, հականիշ, համանուն և հարանուն բառեր:*

**2. Որո՞նք են հոմանիշ բառերը:**

*Պատ.- Միևնույն խոսքի մասին պատկանող բառերն են, որոնց իմաստները լիովին կամ մասնակիորեն համընկնում են:*

**3. Ի՞նչ տեսակների են բաժանվում հոմանիշները:**

*Պատ.- Հոմանիշների երկու տարատեսակներ են տարբերակվում՝ համանիշներ, որոնք արտահայտում են մոտ, մերձավոր իմաստներ, և նույնանիշներ, որոնք արտահայտում են նույնական իմաստներ:*

**4. Ի՞նչ խոսքի մասերից կարող է կազմվել հոմանշային շարքեր:**

*Պատ.- Հոմանշային շարքեր կարող են կազմվել գրեթե բոլոր խոսքի մասերից . առավելապես տարածված են գոյականներով, ածականներով, բայերով կազմված հոմանիշները,բայց գործածական են նաև այլ խոսքի մասերով կազմված հոմանիշները ինչպես դերանուն , կապ, շաղկապ, վերաբերական և ձայնարկություն:*

Բ. Ռ. Գ 6.

**1. Որո՞նք են հականիշ բառերը:**

*Պատ.- Հականիշները իրար հակադիր իմաստ արտահայտող բառերն են :*

**2. Իմաստային առումով ի՞նչ տեսակների են լինում հականիշները:**

*Պատ.- Լինում են բացարձակ և ժխտական: Բացարձակ հականիշները ցույց են տալիս տրամաբանորեն իրար հակառակ հասկացություններ, ինչպես ` բարեկամ – թշնամի, կարճ – երկար և այլն:*

*Ժխտական են այն հականիշները, որոնց գույգերի մեջ մտնող անդամներից մեկը ժխտում է մյուսի արտահայտած հատկանիշի առկայությունը, ինչպես ` ազնիվ – անազնիվ և այլն:*

**3. Կազմության առումով ի՞նչ տեսակների են լինում հականիշները:**

*Պատ.- Լինում են նույնարմատ և տարարմատ: Նույնարմատ են նույն արմատից կազմված հականիշները, օր.՝ դիմավոր – անդեմ, զգայուն –անզգա:*

*Տարարմատ հականիշները կազմվում են տարբեր արմատներով, օր.՝ մեծ- փոքր, երկար- կարճ:*

Բ.Ռ.Գ 7.

**1. Ո՞ր բառերն են կոչվում համանուն:**

**Պատ.-** Համանուն են այն բառերը, որոնք ունեն նույն ձևը , սակայն տարբեր իմաստներ են արտահայտում:

**2.Ի՞նչ տեսակներ ունեն համանունները:**

**Պատ.-** Լինում են 1/ բառային , բառաքերականական, քերականական.2/ լիակատար և մասնակի.3/ բուն ,նույնահունչ և նույնագիր:

**3.Որո՞նք են բառային ,բառաքերականական ևքերականական համանունները:**

**Պատ.-** Եթե համանունները քերականորեն չփոփոխված , ուղիղ ձևով բառեր են , կոչվում են բառային, օր.՝ մարտ- մարտ, հոտ-հոտ:Եթե բառերից մեկը ուղիղ ձև է, իսկ մյուսը՝ քերականորեն փոխված բառաձև , ապա դրանք կոչվում են բառաքերական: Օր.՝ օղի- օղի, անցավ- անցավ:

Քերականորեն փոփոխված բառաձևերը քերականական համանուններն են: Օր.՝ ջրի- ջրի:

Բ.Ռ.Գ 8.

**1.Որո՞նք են լիակատար և մասնակի համանունները:**

**Պատ. –** Բառային համանուններից շատերը ուղիղ և քերականորեն փոփոխված ձևերում համընկնում են օր.՝ փող-փող, փողի-փողի, փողեր-փողեր, սրանք լիակատար համանուններն են:

Համանունները կարող են իրենց համանունությունը պահպանել քերականական ոչ բոլոր ձևերում. օրինակ՝ զատիկ բառը /միջատ/ ուղղականում համանուն է, զատիկ քրիստոնեկան տոն/ բառին ,իսկ սեռականում ոչ :Սրանք մասնակի համանուններն են:

**2. Որո՞նք են բուն, նույնահունչ, նույնագիր համանունները:**

*Պատ.- Բուն են նույն ձևով գրվող և արտասանվող համանունները:*

*Նույնահունչ են նույն ձևով հնչող ,բայց գրությամբ տարբեր համանունները:*

*Նույնագիր են այն համանունները, որոնք նույն ձևով են գրվում , բայց տարբեր են արտասանությամբ:*

**Բառակազմություն**

**Դաս 1- ին**

*1.Ինչպե՞ս է տեղի ունենում բառապաշարի համալրումը*

**Պատ` Բառապաշարի համալրումը կատարվում է 2 եղանակով`**

**ա/ հայոց լեզվի բառակազմական տարբեր միջոցների և եղանակների գործադրումով**  
**:**

**բ/ օտար լեզուներից կատարվող փոդառություններով:**

*2. Ժամանակակից հայերենում քանի՞ բառակազմական եղանակ է գործում*

**Պատ` Ժամանակակից հայերենում գործում է բառակազմական երեք եղանակ` ա/ածանցում, բ/ բառաբարդում,գ/ հապավում:**

*3. Ի՞նչ է նշանակում ածանցում*

**Պատ` Ածանցումը արմատի, բառի կամ բառահիմքի և ածանցի միացությամբ նոր բառեր կազմելու երևույթն է :**

*4. Ի՞նչ է ածանցը*

Պատ՝ ածանցը բառակազմական մասնիկ է , որն ավելանալով արմատին կամ բառին՝ փոխում է նրա իմաստը և նոր բառ կազմում: Ածանցն առանձին գործածություն չունի : Հայերենն ունի մոտավորապես 200 ածանց:

*5. Ըստ դիրքի քանի՞ տեսակների են լինում ածանցները*

Պատ՝ Ածանցները կազմվող բառին կարող են միանալ սկզբից կամ վերջից: Սկզբից դրվող ածանցները նախաածանցներ են , վերջից միացողները՝ վերջածանցներ: Հայերենում բազմաթիվ բառեր կան ,որոնք և նածախաածանց , և վերջածանց ունեն, օրինակ *ստորգետնյա, անդրբևեռային* , այդպիսի բառերը կոչվում են *համաձանցավոր:*

Դաս 2-րդ

*1. Ինչպե՞ս են նախաածանցները արմատին կամ բառին միանում*

Պատ՝ Նախաածանցները արմատին կամ բառին միանում են երկու եղանակով առանց հոդակապի ինչպես՝ ապերախտ, դժկամ, տհաս, ներգաղթ և հոդակապով, ինչպես՝ ապաշնորհ, արտասահման, ենթաբաժին, համամիտ: Չայնավորով սկսվող արմատին կամ բառին ավելանալու դեպքում նաձանցները սովորաբար հոդակապ չեն ստանում օրինակ՝ համերկրացի, մակերես, ընդարձակ:

*2. Կարո՞ղ է արդյոք նույն նախաձանցը հանդես գալ թե հոդակապով, թե առանց հոդակապի*

Պատ՝ նույն նախաձանցը որոշ դեպքերում կարող է հանդես գալ թե հոդակապով, թե առանց հոդակապի , ինչպես՝ *տարբեր և տարաբախտ, գերհզոր, գերազնահատել, մականուն և մակագրել, նախդիր և նախարան, փոխօգնություն և փոխատեղում:*

*3. Որո՞նք են արդի հայերենի ամենագործածական նախաձանցները*

Պատ՝ Ժխտական նախաձանցներ՝ ան, ապ, դժ, տ, չ

*Անդր/ա/* անդրաշխարհ, Անդրկովկաս

*Արտ/ա/* արտաշնչել

*Գեր/ա/* գերխնդիր, գերծանր

*Ենթ/ա/* ենթաբաժին,

*Թեր* թերսնում, թերկատար

*Հակ/ա/* հակամարդկային, հակաճառել

*Համ/ա/* համակարծիք, համահայկական

*Հար/ա/* հարանուն, հարակից

*Մակ/ա/* մակնիշ, մակընթացություն

*Նախ/ա/* նախասենյակ, նախաճաշ

*Որո՞նք են հայերենի վերջածանցները*

**Պատ՝**

Արդի հայերենի ամենագործածական վերջածանցները բավական շատ են նրանց մեծագույն մասը ձայնավորով է սկսվում ,ինչպես՝ -ակ, -անոց,-արան, -ենի, -եղեն, -երեն, -իկ, -ին, -իչ, -ոց, -որդ, -ուկ, -ուտ, -ություն

*Որո՞նք են արդի հայերենի ամենագործածական վերջածանցները*

**Պատ՝** արդի հայերենի ամենագործածական վերջածանցները բավականին շատ են : ըստ իրենց արտահայտած իմաստների դրանք կարելի է այսպես խմբավորել .

**-/ա/ բար, /ա/պես, -որեն –** « պես, նման, ձևով » եղբայրաբար, բարոյապես, խիզախորեն

*ալի, էլի « կատարելի գործողության հատկանիշ» - ներելի, զարմանալի*

*-ական, -ային, -յան « մեկին,մի բանի տեղին կամ ժամանակի հատուկ»*

*գերմանական, անապատային, հունիսյան*

*-ակ, իկ, ուկ / փոքր , սիրելի, / աթոռակ, շնիկ, արջուկ*

*-անի, եղեն /միատեսակ առարկաների ամբողջություն/ նամականի, կտորեղեն*

*-անք.վածք/ գործողության արդյունք/ - արտադրանք, սանրվածք*

*- ավետ, եղ / մի բան ունեցող/ հարմարավետ,գունեղ*

*- արան,-անոց,-ուտ,- ոց,-ստան /տեղ/առողջարան, դպրոց, ճահճուտ*

*- է, յա / մի նյութից պատրաստված/- կավե, ոսկյա*

*- էլի , ալի/կատարելի գործողություն/- ընդունելի, նողկալի*

*- ին, -/ա/ գին/ սաստկական նշանակությամբ հատկանիշ/մթին,ջերմագին*

*-իչ, որդ,արար, պան վոր/մի բան անող/ -հսկիչ, ներկարար,ջրվոր*

*-ում, -անք /գործողության արդյունք/ հարձակում, արհամարհանք*

Ածանցների տեսակները ըստ իմաստի

Դաս- 3-րդ

1. Ըստ իմաստի քանի՞ տեսակի են լինում ածանցները

Պատ՝ Ըստ իմաստի ածանցները լինում են *մենիմաստ և բազմիմաստ: Մենիմաստ ածանցները միայն մեկ իմաստ են արտահայտում : Օրինակ՝ -ավուն, վերջածանցն արտահայտում է նվազական, քիչ նման լինելու նշանակություն՝ կարմրավուն, կլորավուն: Ավետ վերջածանցն ունի /մի բան ունեցող,դրանով հարուստ/ նշանակությունը:*

*2. Որո՞նք են բազմիմաստ ածանցները*

Պատ՝ բազմիմաստ են այն ածանցները, որոնք բառերում գործածվում են տարբեր իմաստներով: Օրինակ՝ -արան վերջածանցով կազմվում են գոյականներ, որոնք ունեն հետևյալ նշանակությունները՝ ա/ « մի բան կատարելու տեղ » ընդունարան, լողարան, բ/ « գիրք, ժողովածու» / հանրաիտարան, երգարան/« լվացարան, մատուցարան»/:

*3. Ըստ ձևաիմաստային հատկանիշների ի՞նչ խմբերի են բաժանվում ածանցները*

Պատ՝ Ըստ ձևաիմաստային հատկանիշների լինում են հոմանիշ և հականիշ ածանցներ: Հոմանիշ են այն ածանցները , որոնք նույն կամ մերձավոր իմաստներ են արտահայտում,ինչպես՝ -ական , -ային/ գյուղական, քաղաքային/:

Հականիշ են այն ածանցները , որոնցից մեկը բացասում , ժխտում է մյուսի իմաստը: Օրինակ՝ արտագաղթ, ներգաղթ, պոչավոր- անպոչ, ընդգետնյա- վերգետնյա, համակրել - հակակրել

**Ածանցների տեսակները ըստ խոսքիմասակերտ նշանակության**

**Դաս 4- րդ**

*1. Ինչպե՞ս են տարբերակվում ածանցները*

Պատ՝ Ածանցները տարբերակվում են ըստ որևէ խոսքի մասի պատկանող բառեր կազմելու հատկանիշի

Գոյականակերտ ածանցներով գոյականներ են կազմվում , ինչպես՝ անակ/հաղթանակ/, - անոց/ ուսուցչանոց/-անք/ խնդրանք/, արան / բառարան, ույթ / լուծույթ/:

**Ածականակերտ ածանցներով** ածականներ են կազմվում: Ածականակերտ են ժխտական նախածանցները . –ոտ /բորոտ/, -ական/ տեղական/, -ային/ աշնանային/, -ավետ/ շահավետ/,

-լիկ / շեկլիկ/-ավուն / սևավուն/:

**Թվականակերտ ածանցներով** նոր թվականներ են կազմվում : Դրանք են ` բորդ/ երկրորդ, երրորդ, / - ական / վեցական/:

**Մակբայակերտ ածանցներով** մակբայներ են կազմվում : Օրինակ ` -/ա/ բար- հերոսաբար, /ա/ պես – նյութապես, - որեն –նրբորեն, - ակի / շեշտակի:

**Բայակերտ ածանցները** բառահիմքի կամ արմատի վրա դրվելով ` կազմում են բայեր:Դրանք են ` ան, են, ն, չ, ատ, ոտ, կոտ, տ , ացն, եցն, ցն, վ:

Մոտենալ, թոչել,ցատկոտել, հիշեցնել, սիրվել:

**Կրկնություն որպես բառակազմական եղանակ** **Դաս 5-րդ**

*1.Ի՞նչ է կրկնությունը*

Պատ` Կրկնությունը նույն բառի կրկնությամբ բարդ բառեր կազմելու եղանակն է ; Կրկնավոր բարդությունները լինում են հարադրական և համադրական:

*Որո՞նք են հարադրական բարդությունները*

Պատ` Հարադրական են կոչվում այն կրկնավորները , որոնց բաղադրիչները արտասանվում և գրվում են որպես առանձին բառեր, թեև ամբողջովին մեկ բառի իմաստ են արտահայտում: Օրինակ ` հազար- հազար, երեք – երեք, ժամանակ առ ժամանակ

*Ինչպե՞ս են բաղադրվում կրկնվող եզրերը*

Պատ` Կրկնվող եզրերը բաղադրվում են

- Կից դրվելով /միության գծիկ/կաթիլ- կաթիլ, դեզ-դեզ
- Շաղկապով , ինչպես՝ մենք ու մենք, քեզ ու քեզ
- Գրաբարյան նախդիրով , ինչպես՝ տուն առ տուն

Կրկնավոր հարադրությունների մեջ կրկնվող բառը հիմնականում անփոփոխ է մնում , բայց կարող է նաև զանազան փոփոխությունների ենթարկվել: Այսպես՝

ա/ Առաջին բաղադրիչի բառասկզբի բաղաձայնը երկրորդ եզրում դառնում է մ, ինչպես՝ գրիչ- մրիչ, փոքր- մոքր:

բ/ Առաջին բաղադրիչի /ա/ ձայնավորը երկրորդ եզրում դառնում է /ու/, ինչպես՝ մարդ- մուրդ, մանր – մունր:

գ/ Չայնավորով սկսվող բառի սկզբում երկրորդ եզրում բաղաձայն է ավելանում , ինչպես՝ ոլոր- մոլոր, աման- չաման:

դ/ Կրկնավորի առաջին բաղադրիչի սկզբի բաղաձայնն ընկնում է , ինչպես՝ առք- փառք, ակաս- պակաս:

ե/ Առաջին բաղադրիչի կամ նրա սկզբնամասի վերջին բաղաձայնը փոխվում և դառնում է ս կամ փ, ինչպես՝ կաս- կարմիր, դափ-ատարկ:

Հարադրական բարդություններ Դաս- 6 -րդ

1. *Ի՞նչ է նշանակում հարադիր բարդություն*

Պատ՝ Հայերենի բառակազմական եանակներից է հարադրումը:

Հարադրությունները լինում են անվանական և բայական:

2. *Ի՞նչ է նշանակում անվանական հարադրություն*

Պատ՝ Անվանական հարադրությունները անուն խոսքի մասերի պատկանող բառերից են հարադրվում և բառային ամբողջական իմաստներ են արտահայտում :  
Օրինակ՝ գիշեր- ցերեկ, խեղճ ու կրակ, ոտից գլուխ:

3. *Ինչպե՞ս են միանում իրար անվանական հարադրությունների բաղադրիչները*

Պատ՝ անվանական հարադրությունների բաղադրիչները միմյանց միանում են՝

ա/ շաղկապով՝ թև ու թիկունք, զենք ու զրահ

բ/ միության գծիկով՝ ամառ- ձմեռ, անուն- ազգանուն

գ/ քերականական տարբեր ձևերով՝ տակից- գլխից, բեռով- բարձով

4. *Անվանական հարադրությունների բաղադրիչների միջև իմաստային ի՞նչ հարաբերություններ կան :*

Պատ՝ Անվանական հարադրությունների բաղադրիչների միջև իմաստային զանազան հարաբերություններ կան : Բաղադրիչ բառերը՝ ա/ հոմանիշ են , ինչպես՝ անթիվ- անհամար, բուք ու բորան

բ/ հականիշ են՝ , ինչպես՝ ամառ-ձմեռ, գիշեր – ցերեկ, ահել ու ջահել

գ/ իմաստով առնչակից են , ինչպես՝ նետ ու աղեղ, մազ- մորուք

Անվանական հարադրությունները արտահայտում են տարբեր իմաստներ.

- Միասնություն, ամբողջականություն , ինչպես՝ հայր ու մայր, ծառ ու ծաղիկ,
- Հավաքականություն, ինչպես՝ ծանոթ – բարեկամ, ծառ ու ծաղիկ
- Սաստկականություն , ինչպես՝ լո՞իկ- մնջիկ, հեզիկ - նազիկ
- Մոտավորություն, ինչպես՝ ինը- տասը, հիսուն - վաթսուն

5. *Ի՞նչ է նշանակում բայական հարադրություն*

Պատ՝ քայական հարադրությունները որպես կանոն , կայական բաղադրիչ ունեն, ուստի բայի իմաստ են արտահայտում : Օրինակ՝ բարև տալ, պար գալ, շուր գալ,ասել -խոսել

6. Քանի՞ տեսակ են լինում քայական հարադրությունները

Պատ՝ քայական հարադրությունները լինում են երկու տեսակ՝

ա/ հարադրավոր բայեր

բ/ զուգադիր բայեր

հարադրավոր բայերը կազմվում են ոչ քայական բաղադրիչ ից և անել ,լինել, ընկնել, առնել, բերել, տալ բայերից: Օրինակ՝ ելումուտ անել, լաց լինել, դուրս բերել, կրակ տալ :

Չուգադիր բայերը երկու բայերից կազմված հարադրություններ են:

Օրինակ՝ աղաչել- պաղատել, ջարդել- փշրել, գրել- ջնջել, ուտել - խմել

Չուգադիր բայեր են կազմվում նաև որոշ բայերի և նրանց բազմատկականի ձևերից, ինչպես՝ կապել – կապկպել, քաշել – քաշքշել:

Բառաբարդում      Դաս- 7-րդ

1. Ի՞նչ է նշանակում բառաբարդում

Պատ՝ Բառաբարդումը հայերենի բառակազմության ամենասակտիվ եղանակներից է : Բառաբարդումը երկու կամ ավելի արմատներից կամ բառերից նոր բառերի ստեղծումն է : Բարդ բառերի զգալի մասի բաղադրիչները միաձույլ , անանջատ են հանդես գալիս , ինչպես՝ գարնանամուտ, նամակաբեր, վերջերգ : Սրանք համադրական բարդություններ են:

2. Քանի՞ խմբի են բաժանվում համադրական բարդությունները

Պատ՝ համադրական բարդությունները բաժանվում են երմու մեծ խմբի՝ ա/ ձուլական բարդություններ

բ/ կցական բարդություններ

3. Ո՞րն է կոչվում ձուլական բարդություն

Պատ՝ ձուլական բարդություն են կոչվում այն բարդ բառերը , որոնց բաղադրիչները սերտորեն ձուլված են միմյանց: Օրինակ՝ գնդացի, հորաքույր, լուսացույց, ոսկեձուլ, հացթուխ, ձնծաղիկ:

Ձուլական բարդությունների առաջին բաղադրիչի ձայնավորը շեշտից կախված հնչյունափոխության է ենթարկվում, ինչպես՝ լուսաշող, հուսաբեկ, գրատուն , ձվաբջիջ, հրանոթ:

4. Ինչպե՞ս են միանում ձուլական բարդությունների բաղադրիչները

Պատ՝ ձուլական բարդությունների բաղադրիչները միանում են հողակապով / հողագունդ, օղանավ, ազատատենչ, արդարամիտ/ կամ առանց հողակապի/ հրշեջ, շաքարաման, բառիմաստ/ :

Կցական բարդություններ

Դաս 8- րդ

1. Ո՞րն է կոչվում կցական բարդություն

Պատ՝ Կցական են այն բարդությունները , որոնք կազմվում են տարբեր բառակապակցությունների բաղադրիչների կցումով : Օրինակ՝ տան տիկին տանտիկին, հինգ հարկանի հինգհարկանի, մայր ցամաք մայրցամաք , խաղ ու պար → խաղուպար : →

2. Ի՞նչ շարահյուսական հարաբերություններ կան կցական բարդությունների բաղադրիչների միջև

Պատ՝ Կցական բաղադրիչների միջև կան հետևյալ շարահյուսական հարաբերությունները՝

- Որոշիչ- որոշյալի , իչպես՝ սուրանկյուն, բացբերան, մայրցամաք
- Հատկացուցիչ – հատկացյալի , ինչպես՝ տանտեր, պատվոգիր
- Համադասության, ինչպես՝ աղուհաց, նիստուկաց, առնտուր

Կցական բարդություններում բաղադրիչները շեշտից կախված հնչյունափոխության չեն ենթարկվում: Կարելի է համեմատել՝ *կեսլուրջ, և կիսաձայն, շուրջբոլորը և շրջագիծ, մեջտեղ և միջատ:*

Հապավում                      Դաս 9-րդ

1. *Ի՞նչ է նշանակում հապավում* Պատ՝ Հապավումը բաղադրյալ անունների կրճատված մասերի միավորումով բաղադրություններ կազմելու եղանակն է : Հապավում բառը հենց կրճատում է նշանակում:

2. *Քանի՞ տեսակ են լինում հապավումները*

Պատ՝ Հապավումները երեք տեսակ են լինում՝ ա/ տառային, բ/ վանկային, գ/ բառային

3. *Ո՞րն է կոչվում տառային հապավում*

Պատ՝ տառային հապավումները կազմվում են բաղադրյալ անունների բաղադրիչ բառերի սկզբնատառերից: Օրինակ՝ ԿԳՆ- կրթության և գիտության նախարարություն, ԿԲ կենտրոնական բանկ :

*4. Ինչպիսի՞ն են լինում տառային հապավումները*

Պատ՝ Տառային հապավումները լինում են հայերեն կազմություններ և փոխառություններ: Փոխառյալ են ՆԱՏՕ, ՅՈՒՆԵՍԿՕ, ՖԻԴԵ

Տառային հապավումները սովորաբար մեծատառով են գրվում , ինչպես՝ ԳԱԱ-գիտությունների ազգային ակադեմիա, ՀԶ – համատեղ ձեռնարկություն:

Կան բացառություններ , ինչպես՝ բուհ, ջեկ, հեկ , որոնք գրվում են փոքրատառով: Հապավումներից հետո կետ չի դրվում

Վանկային հապավումներ Դաս – 10- րդ

*1. Ինչպե՞ս են կազմվում վանկային հապավումները*

Պատ՝ Մասային կամ վանկային հապավումները կազմվում են բաղադրյալ անունների բաղադրիչ բառերի առաջին մասերից: Օրինակ՝ ուսմասվար – ուսումնական մասի վարիչ, զինդեկ, զինվորական դեկավար:

Կրճատվող մասն անխտիր բաղաձայնով է վերջանում , ինչպես՝ գիտ, զին, ֆին, տնտ, ուս:Այդ մասը կարող է համընկնել վանկին / զին-վո-րա-կան/այստեղից էլ վանկային տերմինը:

*2. Ինչպե՞ս են կազմվում բառային հապավումները*

Պատ՝ Բառային հապավումները կազմվում են բաղադրյալ անունների բաղադրիչ բառի առաջին մասից և ամբողջական բառից : Օրինակ՝ գիտաշխատող- գիտական աշխատող, տեխնոլոգիա – տեխնիկական զննում , պետհամարանիշ – պետական համարանիշ:

Մասային և բառային հապավումներն անվանում են նաև հապավական բարդություններ:

## Եզրակացություն

Կրթությունը պետք է համարվի ցանկացած երեխայի մտավոր , հոգեկան և ֆիզիկական զարգացմանը նպաստող միջոց :

Երեխայի որևէ առանձնահատկությունը և տարբերությունը չեն կարող արգելք հանդիսանալ իրացնելու իր կրթություն ստանալու հիմնարար իրավունքը : Ուստի որակյալ կրթությունը պետք է ենթադրի մի գործընթաց , որն ուղղված է բարելավելու բոլոր սովորողների կրթական կարիքները :

Այս հետազոտական աշխատանքի նպատակն է ուսումնական գործընթացում ԿԱՊԿՈՒ սովորողների համար ապահովել սովորելու և հարգանքի այնպիսի մի միջավայր , որտեղ երեխան , անկախ իր հաշմանդամության աստիճանից, իրեն ինքնավստահ և ընդունված կզգա, կհավատա իր կարողություններին և կբարելավի իր ինքնագնահատականը :

Հարկ է նշել սակայն, որ այս ուսումնական փաթեթը նախատեսված չէ ծանր մտավոր հետամնացություն ունեցող երեխաների համար , քանի որ նրանց հետ աշխատանքը այլ պայմաններ և պահանջներ է թելադրում , իսկ այդ գործընթացը կազմակերպելու համար կան բազմաթիվ միջոցներ և ճանապարհներ : Չկա սովորեցնելու միայն մեկ ճիշտ ուղի , ինչպես նաև չկա սովորելու ճշգրիտ միակ ուղի :

## Օգտագործված գրականության ցանկ

Մանուկ Մկրտչյան Ուսուցման կոլեկտիվ եղանակի իրականացման մեթոդաբանականտեսական տեսական և գործնական հարցեր

Սուսաննա Թադևոսյան Ներառական կրթության կազմակերպման մեթոդական ուղեցույց- ձեռնարկ /2017թ/

Հանրապետական մանկավարժահոգեբանական կենտրոն / Ներառող դասավանդում / մեթոդական ձեռնարկ մանկավարժների համար

Լ.Եզեկյան ,Ա.Սարգսյան , Ռ. Սաքապետոյան Հայոց լեզու ավագ դպրոցի /հումանիտար հոսք / 10-րդ դասարանի դասագիրք